

Бақара сураси, 75-оят

09:00 / 27.09.2017 2795

Сиз сабабли иймон келтиришларини тама қиласизларми? Ҳолбуки, улардан бир гуруҳи Аллоҳнинг каломини эшитар, сўнгра, уни англаганларидан кейин билиб туриб, ўзгартирас әдилар. Бақара 75.

Бу ояти каримада мусулмонларга қилинаётган хитобдан ўша пайтда баъзи ихлосли мўминларнинг, яҳудийлар иймонга келиб қолсалар керак, деган орзуда бўлганларини кўрсатади. Албатта, уларнинг бундай тама қилишларига асос бор эди. Улар билан Мадинада бирга яшаб келаётган яҳудийлар илоҳий китобга эга халқ сифатида, яқинда охирзамон пайғамбари чиқиши, улар ул пайғамбарга биринчи бўлиб иймон келтиришлари ҳақида тинмай гапирав әдилар. Арабларнинг кўплари яҳудийлардан сифатини эшитган пайғамбар – Мухаммад соллаллоҳу алайҳи васалламни кўришлари билан иймонга келдилар. Энди эса яҳудийларнинг ўzlари ҳам иймонга келишларини тама қилаётган әдилар. Аллоҳ таоло оятнинг аввалида уларнинг мазкур ҳолатларини сифатлаб:

«Сиз сабабли иймон келтиришларини тама қиласизларми?» – демоқда.

Яъни «Эй мусулмонлар, сизлар яҳудийларнинг иймон келтириб, мўмин-мусулмон бўлишларидан умидвор бўляпсизларми?

Агар сизларда шундай умидворлик ҳақиқатан бўлса, билиб қўйингки, иш сиз ўйлагандек эмас, ҳол бошқача».

«Ҳолбуки, улардан бир гуруҳи Аллоҳнинг каломини эшитар, сўнгра, уни англаганларидан кейин билиб туриб, ўзгартирас әдилар».

Бундай одамларнинг иймон келтиришларига умид қилиб бўлмайди. Чунки иймон ўзига яраша поклик, мусаффолик, нурни қабул қилиб олишга истеъодни талаб қиласиди. Аммо яҳудийларда бу нарсага яқинлик ҳеч сезилмаяпти. Уларнинг энг яхши вакиллари бўлмиш диний олимларики, Аллоҳнинг каломини эшитиб, уни тушуниб етгандан сўнг билиб туриб, бузсалар, қолганлари нима ҳам қиласиди!?